

**Bosna i Hercegovina
Federacija Bosne i Hercegovine
Federalno ministarstvo poljoprivrede, vodoprivrede i šumarstva
SARAJEVO**

PREDNACRT

**ZAKON
O DOPUNAMA ZAKONA O LOVSTVU**

Sarajevo, decembar 2017. godine

Član 1.

U Zakonu o lovstvu („Službene novine Federacije BiH“, br. 4/06, 8/10 i 81/14) iza člana 90. dodaje se novi član 90a koji glasi:

„Član 90a.

Ovlašćuje se Zakonodavno-pravna komisija Predstavničkom doma Parlamenta Federacije Bosne i Hercegovine i Zakonodavno-pravna komisija Doma naroda Parlamenta Federacije Bosne i Hercegovine da utvrde Prečišćeni tekst Zakona o lovstvu i dostave ga domovima Parlamenta Federacije Bosne i Hercegovine, radi verificiranja.

Član 2.

Rok za izradu prečišćenog teksta Zakona o lovstvu iz člana 1. ovog zakona je tri mjeseca od dana stupanja na snagu ovog zakona.

Član 3.

Ovaj zakon stupa na snagu osmog dana od dana objavljivanja u „Službenim novinama Federacije BiH“.

O B R A Z L O Ž E N J E

I - Ustavnopravni i zakonski osnov

Ustavni osnov za donošenje Zakona o šumama, sadržan je u odredbama člana III (1) b), člana III (2) c), h) i člana IV. A. 7. 20. (1) d) Ustava Federacije BiH.

Odredbama ovih članova propisano je da se ekonomska politika, uključujući planiranje i obnovu i politiku korištenja zemljišta utvrđuje na federalnom nivou - III. (1) b). Parlament Federacije BiH, uz ostale ovlasti propisane Ustavom Federacije BiH, odgovoran je za donošenje zakona o vršenju dužnosti federalne vlasti - IV. A. 7. 20. (1) d). Federalne vlasti i kantoni zajednički su nadležni za politiku zaštite čovjekove okoline i korištenje prirodnih bogatstava - III. (2) c), h).

II - Razlozi za donošenje i objašnjenje odabrane politike

Vlada Federacije Bosne i Hercegovine na svojoj 34. sjednici održanoj dana 16.12.2015. godine donijela je zaključak kojim se zadužuju federalna tijela uprave da, nakon sagledavanja zakona i drugih propisa iz svoje oblasti, u roku od 30 dana od dana stupanja na snagu tog zaključka, pristupe izradi prečišćenih tekstova tih propisa kad izmjene i dopune obuhvaćaju više od 40 % osnovnog teksta propisa ili kad je osnovni tekst mijenjan ili dopunjavan najmanje tri puta, pri čemu je otežano praćenje teksta i sadržaja propisa.

Federalno ministarstvo poljoprivrede, vodoprivrede i šumarstva je utvrdilo da je Zakon o lovstvu („Službene novine Federacije BiH“, broj 4/06) mijenjan dva puta i to Zakonom o izmjenama i dopunama zakona o lovstvu („Službene novine Federacije BiH“, broj 8/10) i Zakonom o izmjenama i dopunama zakona o lovstvu („Službene novine Federacije BiH“, broj 81/14), da izmjene i dopune obuhvaćaju više od 40 % osnovnog teksta zakona pri čemu je otežano praćenje teksta i sadržaja zakona te da je potrebno pristupiti izradi prečišćenog teksta zakona.

III - Usklađenost zakona sa evropskim zakonodavstvom

Ovaj zakon je tehničke prirode i nije potrebno vršiti usklađivanje sa evropskim zakonodavstvom.

IV – Provedbeni mehanizmi i način osiguranja poštivanja zakona

Ovaj zakon je tehničke prirode i nije potrebno utvrđivati mehanizme za njegovu provedbu.

V – Opis konsultacija vođenih u procesu izrade zakona

Obzirom da se radi o dopuni zakona kojim se samo daju ovlaštenja za izradu prečišćenog teksta zakona nije bilo potrebno vršiti konsultacije sa zainteresiranim stranama.

VI - Procjena ekonomske opravdanosti donošenja zakona

Za provođenje ovog zakona nije potrebno osigurati sredstva u Budžetu Federacije Bosne i Hercegovine.

XXX

Ured za zakonodavstvo i usklađenost sa propisima Evropske unije Vlade Federacije Bosne i Hercegovine dao je svoje Mišljenje broj:03-02/1-26-527/16 od 20.4.2016. godine koje je u cijelosti uvaženo.

Federalno ministarstvo finansija/financija dalo je svoje mišljenje broj:06-14-3-2794/16 od 21.4.2016. godine u kojem se navodi da nema primjedbi u okviru svoje nadležnosti.

Federalno ministarstvo pravde dalo je svoje Mišljenje broj:01/03-49-1996/16 od 4.5.2016. godine u kojem navodi da nema primjedbi u okviru svojih nadležnosti.